









1258.

*Herrn Th. v. Schwan
Leipzig.*

44/57800





CONCLVSIONES
DE
VSVFRVCTV.

QVAS,

Diuina annuente clementia,
AVCTORITATE ET APPRO-
BATIONE AMPLISSIMI IV-
RECONSULTORVM COLLEGII
IN CELEBERRIMA HEI-
DELBERGENSIVM
ACADEMIA:

Sub Præsidio

CLARISSIMI ET CONSULTISSIMI
VIRI D. PHILIPPI HOFMAN, I. V. D.
Et Antecessoris ordinarij dignissimi.

PRO CONSEQUENDIS IN
VTROQUE IVRE DOCTO-
RALIBVS INSIGNIBVS
AC PRIVILEGIIS.

Pro viribus tueri conabitur

ALEXANDER HOHENBVCH
VVORMATIENSIS.

Ad diem IX. Iunij horis & loco solitis.



HEIDELBERGAE,
Apud Abrahamum Smefmannum.
CLO. LO. XCIIII.

CONGLIATIONES

VSVFRVCTV



380/44/578.00(4)



CONCLUSIONES
DE
VSVSFRVCTV.

I.



VSVSFRVCTVS verbum est ambiguum. Nonnunquam enim partem significat dominij, cuius præcipuus usus in fruitio-
ne consistit, de quo hîc non agitur: fre-
quentius personalem seruitutem à dominio seu pro-
prietate separatam formam habentem, quæ non pars
est dominij, sed instar partis, ac parti similis huius que
loci proprius.

II.

Ac definitur à Paulo ius vtendi fruendi rebus alie-
nis, salua earum substantia.

III.

Perperam igitur Dd. Vsumfr. alium causalem aliud
formalem quasi diuersas species constituunt. Non
enim his vocabulis, quæ facilioris doctrinæ causa re-
tineri possunt, vsufr. diuiditur, sed vocis diuersa signi-
ficatio ostenditur.

IV.

Vsusfructus duplex est: Alius proprius, qui in re-
bus, quarum substantia vsu salua manet, consistit, siue
eæ mobiles sint siue immobiles, non tamen incorpo-
rales, etsi interdum eueniat, vt magis in eas impenda-
mus quàm de illis acquiramus.

V.

Hinc nummorum aureorum vel argenteorum, quos antiquitatis causa ad vsus puta voluptatis, signandi aut alios, non ad rerum pretia comparatos habemus. Statuarum item & imaginum Vsumfr. propriè quoque relinqui posse non ambigitur.

VI.

Alius quasi Vsumfr. quem in iis rebus, quæ vsu consumuntur (veluti sunt res in quantitate consistentes, pharmaca lanæ, non verò vestimenta) vtilitatis causa, cautione de restituendis iis ex Senatusconsulto ritè interposita senatus constituit.

VII.

Proprius Vsumfr. non tantum constituitur vltima voluntate, vt testamentis & Codicillis, sed etiam dispositionibus inter viuos, veluti pactionibus, stipulationibus, donationibus. At quasi Vsumfr. non nisi vltima voluntate constituitur.

VIII.

Ad acquirendum verò Vsumfr. inter viuos constitutum pactum vel stipulatio non sufficit, sed traditionem vel patientiam sequi necesse est; quæ non desiderantur, vltima voluntate vsufr. constituto.

IX.

Dies vero legati vsufr. ab adita tandem hereditate cedit: si ex die legatus sit, dies non cedit, nisi cum & venit.

X.

Quotiescunque autem vel inter viuos vel vltima voluntate vsufr. constituitur, non necesse est eū dari vel relinqui per verbum vsusfructus. Nihil enim refert, quibus is verbis constituatur, dummodo de usufructu constituendo constet actum fuisse.

Hinc

XI.

Hinc quæsitum; Fructibus fundi legatis annuis an vsufr. legatario constitutus videatur? Quod affirmamus.

XII.

Controuerti potest, si testator quidem vsufr. domus leget, attamen cum onere, ne altius tollat, vtrum per vsufr. proprietas quoque legata censeatur? Affirmant Dd. Communiter, Pinelli negantis sententia nobis arridet.

XIII.

Præterea ipsa quoque lege Vvsufr. cõstituitur: veluti parenti in bonis liberorum aduētitiis, item in bonis filij Emancipati pro parte dimidia.

XIV.

Adhæc à iudice in Fam. Ercisc. & Com. diuid. iudiciis, si vni fundum alteri vsufr. adiudicauerit.

XV.

Sed & purè & sub conditione, ad diem quoque & ex die vsufr. rectè fit constitutio; nec non pro parte diuisa vel indiuisa. Vvsufr. enim diuiduus est, non, vt cæteræ seruitutes, indiuiduus.

XVI.

Rursus vel omnium bonorum rectè legatur vsufr. salua tamen falcidia, & detracto ære alieno, vel partis eorundem, sub qua in dubio dimidiam bonorū partem contineri existimamus.

XVII.

Efficaciter sic constituto vsufructu actio ex stipulatu vel ex testamento, non autem actio confessoria, fructuario, ad consequendum vsufr. competit.

XVIII.

Quem tamen proprietarius tradere non tenetur,

nisi cum Inuentarij confectione, fructuarius cautionem præstiterit, vsurum se boni viri arbitrato, & cum pertinere ad eum desinet restitutum quod inde extabit.

XIX.

• Quod Iuris quidem obtinet, si proprius sit vsufr. In quasi vsufr. de re eiusdem qualitatis, vel, quod commodius est, æstimatione, finito vsufr. reddenda cauebit.

XX.

Cautionis verbo in utroque vsufr. non nudam & simplicem promissionem, sed satisfactionem, quæ fit datis fideiussoribus, vel etiam pignoribus intelligi volumus.

XXI.

Regulariter autem omnis fructuarius satisfacere tenetur, in tantum, ut cautiones eiusmodi ne testator quidem suo testamento prohibere possit.

XXII.

An ab hærede vel alio proprietario, qui inter viuos vsufr. constituit remitti possint disputari potest? Communi nos sententiæ, in proprij vsufr. cautione id affirmanti, in quasi autem vsufr. satisfactione neganti subscribimus.

XXIII.

An igitur ante præstitam cautionem proprij vsufr. fructus suos faciat fructuarius non inconuenienter queritur? Et suos facere, si vitiosè non possederit, cum Pinello affirmamus.

XXIV.

Quid vero iuris si cautiones quidem exactæ sint, attamen ob egestatem & inopiam fructuarij præstari
ne-

queant? De rigore Iuris vsufr. cum priuandum statuendum esset, æquius tamen est, vt siquidem bonus sit, & probatæ vitæ, iuratoria cautioni relinquatur; sin autem suspectus, vt proprietarius fundum ad se recipiat & vice vsufr. certam annuatim summam seu fructuum seu pecuniæ soluat.

XXV.

Nonnullis tamen hæc satis dandi necessitas de iure est remissa, veluti parenti in bonis liberorum aduentitiis: atque tunc cautionis loco Inuentarij confessionem ab eo exigere posse, non sine ratione Donello placuit.

XXVI.

Donatorem vero, qui omnia sua bona reseruato vsufr. alteri donauit, ab hac satisfactione immunem esse, suadet æquitas & politica quædam comitas.

XXVII.

Cæterum petita riteq; præstita cautione, omnem in distinctè rei vtilitatem, quæ occasione quauis percipi potest, fructuarius consequitur.

XXVIII.

Hinc eorum, quæ vi fluminis fundo fructuario accreuerunt, vsufr. ad fructuarium pertinere statuimus.

XXIX.

In Thesauro inuento in fundo fructuario id Iuris nonnulli existimant, vt totus sit proprietarij. Nobis inuentori dimidiam, proprietario alteram dimidiam cedere vero similis videretur.

XXX.

Nec ipse solum frui ea re quouis modo potest, sed
& alij

& alij eam fruendam ^{v. x. x.} concedere, locare, vendere, Imò & ius suum in alium transferre poterit, ita tamen, vt morte finiatur cedentis, non eius in quem translatus est vsusfr. quamuis Dd. communiter dissentiant.

XXXI.

Interim vero formam seu substantiam rei in vsusfr. concessæ, ne quidem meliorem faciendo Domini causam, Iure suo mutare potest.

XXXII.

Sed & seruitutem imponere nequit. An proprietatis Dominus consentiente fructuario seruitutem fundo possit constituere, controuersi Iuris est? Et si quidem per eam vsusfr. tollatur vel etiã impediatur, ne consentiente fructuario proprietarium imponere possit, pro Communi contra Pinell. sustinebimus.

XXXIII.

Planè fructuum Dominus vsufructuarius non efficitur, nisi eos perceperit, non perceptos, etsi maxima parte anni steterint, quo vsusfr. finiri contingit, non acquirit, nec quicquam horum ad heredes eius peruenit.

XXXIV.

Feudo ad Dominum sine culpa reuerso in fructibus nec dum perceptis distingui solet, vtrum vasallus ante Calendas Martij, aut post Calendas Martij intra mensem Martium & Augustum, aut deniq; post Augustum mortuus sit: Primo & postremo casu omnes indistinctè fructus ad dominũ perueniunt, secundo casu fructus pro ea anni parte heredum manent.

Quem-

XXXV.

Quemadmodum autem plurima sentit commoda fructuarius: Ita æquum est eundem concernere incommoda. Proinde modica resectio ad eum pertinet, ita ut ædes fartas tectas conferuet. Si quid ultra quàm impendi debebat erogatum constet, conditione reposcet.

XXXVI.

Vestigalia, tributa, stipendia & alia quædam onera realia fructuarius quoq; agnoscit, siue consueta sint & ordinaria, siue futura siue præterita siue modica siue immodica.

XXXVII.

Cumq; re uti debeat salva earum substantia omnem is rei tuendæ diligentiam adhibere debet: tenebitur etiam fundum rectè colere, in locum arborum de mortuarum alias substituere & in locum defunctorum capitum noua submittere & ex agnatis supplere, si vniuersitatis vsufr. legatus sit, secus si quis singulorum tantum capitum vsufr. habeat.

XXXVIII.

Quod si verò in Vsufr. suo impediatur fructuarius, actio in rem Confessoria aduersus possidentem vel impedientem ei accommodata est, ut priori casu res fruendi causa sibi restituatur posteriori liberã vtendi facultatem consequatur fructusq; perceptos cum omni interesse recipiat: Sicut vicissim Negatoria ad libertatem prædii suo astruendam competit.

XXXIX.

Finitur Vsufr. multis modis. ac primum quidem morte fructuarij, nisi testator vel alius vsufr. con-

stituens ad heredem quoq; eius hunc peruenire voluerit, qui tūc finietur, cū primus heres decesserit, vel alio modo vsumfr. amiserit.

XL.

An Vsumfr. per ingressum monasterij vsumfr. suum amittat, hīc quari solet. Reiectis aliorum opini-
onibus non amittere nobis verius videtur.

XLI.

Expirat quoq; Vsumfr. maxima & media capitis diminutione nisi ea ante Vsumfr. & diem eius cedentem acciderit. Et non vtendo per modum & tempus inter præsentes decennij, inter absentes 20 annorum.

XLII.

An etiam malè vtendo? Pleriq; id affirmant. Nos autem cū aliis remediis proprietario in hunc euen-
rum sit prospectum, atq; fructuarius ex cautione sua præstita in id quod interest conueniri possit, vsumfr. non amitti statuimus.

XLIII.

Consolidatione quoq; & cessione proprietario facta vsumfr. extingui constat. An idem Iuris in cessione in extraneum facta? Negamus.

XLIV.

Finitur deniq; Vsumfr. rei totius mutatione seu interitu irreparabili, nec non finito tempore ad quod fuit constitutus. At quasi Vsumfr. sola morte naturali vel ciuili amittitur.

XLV.

Finitus autē ad proprietatem reuertitur, nisi duobus vel pluribus coniunctim sit legatus. Tunc enim eo in vnus persona deficiente, accrescit cæteris nec ad proprietatem redit.

XLVI.

Coniunctorum tres constituuntur species, vt alij re & verbis simul, alij verbis tantum, alij re tantum coniuncti dicantur. Inter re & verbis coniunctos dubium non est, quin iuri accrescendi locus sit, siue vnus ex iis moriatur, vel legatum vsumfr. repudiet, vel etiam acquisitum rursus amittat. Quod vltimū singulari ratione in vsumfr. accrescendo est permissum.

XLVII.

In coniunctis re tantum distinguendum existimamus, vt siquidem alter moriatur vel vsumfr. sibi legatum repudiet, totus vsumfr. ad alterum iure non decrescendi pertineat. Quod si verò alter vsumfr. semel acquisitum pro sua portione rursus amittat, iure accrescendi ad alterum totus vsumfr. spectet.

XLVIII.

An ius accrescendi sit inter verbis tantum coniunctos Dd. controuertunt? Non habere verius quis dixerit, nisi data opera testatorem eos coniunxisse appareat.

XLIX.

In concursu coniunctorum quisnam præferatur non incommodè quæritur? Et re & verbis coniunctum cæteris vel re tantum vel verbis tantum potior esse receptum est. Quod si verbis tantum coniunctus cum re tantum coniuncto commisceatur illum huic præferendum esse placet.

L.

In vsumfr. deniq; inter viuos constituto iuri accrescendi non dari locum cum Vasquio & Duareno contra Bartolum aliosq; concludimus.



COROLLARIA.

I.

In utramq; partem est agitata quaestio, An filius f. qui bona sua adventitia apud tertium constituta per vim & auctoritate propria occupavit, incidat in constitutionem L. Si quis in partem C. Vnde vi? Neganti sententia patrocinetur Menochius. Affirmatiua nobis videtur probabilior.

II.

Prodigo non ipso iure, prout Donello visum est, sed per sententiam Iudicis declaratoriam bonorum administratione interdicitur.

III.


Feudum iure nouissimo sine consensu Domini alij sub infeudare licet, ita tamen vt talis subinfeudatio duret solummodo ad vitam infeudantis, nec eo defuncto, agnatis aut Domino praeiudicet, etiamsi vasallus secundus priori Domino seruire & ab eo feudum recognoscere voluerit.

F I N I S.



380/44/57800(4)

X13<4457800400015





Freie Universität

Berlin

x-rite

colorchecker CLASSIC

